

## Enformaziuns y Comunicaziuns

**Ministronc:** En domègna ai 17 de dezèmber ales 10:00 él endò le Rorate dai ministronc. Dertan mësxa gnarál tut ete i ministronc nòs y premié i chi co é roès ala medaia. Düc é bel envies da tó pert. Do mësxa él te salff dles manifestaziuns la tombola y da marèna por düc i sorvidusc. Por la marèna él da s'anunzié pa Luca al nr. 389/9567531 anter le vèndres ai 15 de dezèmber.

**Grup d'oraziun:** En vèndres ai 15 de dezèmber do Rorate s'encunta te salff de calogna le grup d'oraziun con signor Sepl Granruaz. Düc canc é bènodüs y bel enviës a còsta sèra de oraziun y reflèsciun.

**Trèi Rèsc:** Ince l'ann co vèn gnarál endò organisé l'aziun dai Trèi Rèsc, plü avisa ai 4 y 5 de jená 2018 (jòbia y vèndres). Al vèn chirí porsones co acompagnass i grups dai rèsc fora por les ciases, önn en iade domisdé. Sce zacai foss a desposiziun, éσαι bel periës da cherdé sò Pablo al 333/4762010. I Trèi Rèsc é na aziun emportanta, con chëra che ara vá da daidé trepa jont co á debojügn. Al é ince na aziun co pó ma garaté sce trec dèida empara. Porchël belo damperfora en bel iolan a dotes y düc.

**Le Saltá:** Do che la plata de Comun "Le Saltá" è stada fora en ann, gnaràra con le 2018 endò fata regularmonter. I orun envié i geniturs co à albü en picio möt o möta dertan le 2017 da mené adalerch na foto de so picio ala mail [palfrader@rolmail.net](mailto:palfrader@rolmail.net), **anter i 15 de jená 2018.** I recordun che i geniturs ne mës nia mèter a desposiziun la foto, mo ai pó, tan ennant che ai á ienn.

**KVV Senioreclub:** En dedemesaledema ai 13 de dezèmber ales 3 domisdé, él te salff dles manifestaziuns d'Al Plan le Rorate dal Senioreclub, co gnarà abelí dal Cor dai Seniore. Dedò vègnel tigní na picia festa d'Advènt.

**Sorvisc ai Jogn:** Le Consèi de Formaziun dal Comun de Badia y le Sorvisc ai Jogn mèt da jí en workshop de dui dis con le tecnich Benni Valentin, sòn ci ch'al ô ester por mèter sò na band. Al vèn tigní tal Zènter dla Jonèza y dla Cultura SaJ.un sò La Ila, vèndres y sabeda ai 29 y 30 de dezèmber. Al é debann. Enformaziuns y prenotaziun pa [valentin@jogn.org](mailto:valentin@jogn.org) anter le vèndres ai 23.12.2017. Davert a düc i interessés ala musiga, a chi co fej o oress fá pert d'en grup y a musizisc singui! I partezipanc mës belo sèi da soné en stromont!

**Conzert:** La Scora de Musiga Val Badia envièia dër bel a en conzert da Nadé, en lönesc ai 18 de dezèmber ales 18:00, te dljia d'Al Plan. Al sona y cianta scolares y scolars dla Scora de Musiga.



## Plata dla Ploania Al Plan de Mareo San Vighile

Ploian: Signor Heinrich Perathoner  
E-Mail: [ploaniaalplan@gmail.com](mailto:ploaniaalplan@gmail.com)

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann B

10.12.2017 - Secunda Domègna d'Advènt

nr. 2

### Arjignedi le tru al Signur!

#### Dal Vagnele do San Merch 1, 1 - 8

I te mèni mio anunziadú danfora; al dess te daorí le tru. <sup>3</sup>Na usc scraia tal desert: Arjignedi al Signur le tru! Avaliedi les strades! <sup>4</sup>Ensciò ea loé sò Jan Batista tal desert y pordicà la conversciun y le bato por le pordonn dai picès. <sup>5</sup>Döta la ludea y düc i abitanc de Ierusalem jea fora da d'èl; ai confessà sù picès y se lascià bacé da d'èl tal Iordann. <sup>6</sup>Jan â endos en guant de polan de camel y en ciol de coran encèr sù üfs, y al viea de saioc y de mí salvaria. <sup>7</sup>Al encündâ: Do me nen vègnel önn co é plü gaiert co iu; iu ne sun nia dèn da mo cüfé por ti desciolè i cialzá. <sup>8</sup>Iu s'á bacé con ega, mo èl ves baciara con Spirit Sant. **Parora dal Signur! - Lalt a te, Gejú Crist!**



### Le Vëscó á dit...

N'orede lascé da roé adöm y s'encunté la domègna. Fajede dla domègna en de de comunité. Sce al ne vèn nia plü tigní la festa dal Signur la domègna, spo lasciunse da ester Dlijia. Al é vèi: le de dal Signur y le past dal Signur alda adöm. Tignide sò les formes nees y vedles dla dljia. Con le cör y l'anima. Con la sügherté che Crist é veramonter atló con söa noela. (...) Präibel segnede üsc mituns, periede con üsc mituns. N'orede ti fá dant val' ai mituns! Spo podunse avèi crèta tal dagní, ince con formes nees de dljia y comunité cristiana. Ensciò resta le dejidèr do l'Eucarestia y do le preo, co é le dejidèr do Gejú Crist. Ara se trata de èl. Ma por èl ánsè le sorvisc da preo. Nia por me, Vëscó. I se präi, arjignesse ca a tomp nòs.

**Vëscó Ivo Muser, pla funziun de conlujiun dla Vijita Pastoralá sò Oies**

### Döt á so tomp...

Döt á so tomp. L'inauguraziun de na strotóra fejun canche ara é roada, nia canche ai laora ciamó. Ensciò él ince d'Advènt. Al é desplazé, sce le lèn da Nadé é belo enforní la 2a domègna d'Advènt, sce al vèn belo daorí i poc dan Nadé. Avisa tan desplazé fossel sce döt cösc sozedess empormó do Nadé. Al vèn por döt le momont, ince d'Advènt. (Image)

**Impressum:** Ploania d'Al Plan, str. Catarina Lanz nr. 46, 39030 Al Plan de Mareo  
**Comunicaziuns - cina al dedemesaledema sèra - da mené a:** Pablo Palfrader  
Tel. 333 4762010 Mail: [ploaniaalplan@gmail.com](mailto:ploaniaalplan@gmail.com)  
Download plata: [www.unitepastorala.org](http://www.unitepastorala.org)

**Domègna: 10.12.2017: II. Domègna d'Advent: Sa.Angelina**

- 8.30: S.M. a La Pli
- 9.00: Proa dal cor de dljia
- 10.00: Rorate por le KVW – Uniun de S.Vinzenz (cor de dljia)  
Rorate por la Uniun Miscionaria Franz Xaver
- 14.00: Funziun dal Bato: Lena Campeï
- 18.00: S.M. aniv. por +nt Eckhard Taibon  
S.M. aniv. por +nta Hilda Feichter de Valciapa  
S.M. aniv. por +nt Franz Huber da Plazores  
S.M. por +nt Bonifaz Oberbacher dal Lehrer  
S.M. de renger.en onú de S.Ojöp da Oies  
por la defenüda dla roa de Badia



**Lön. 11.12: Feria dla 2. edema de Advënt: S.Damasus I, S.Artur**

- 19.30: Rorate por +nta Olga Niedermayr Marches (Eduard Huber)

**Dédol. 12.12: B. Oma de Guadalupe: S.Franziska, S.Hartmann**

- 19.30: Corona por la pesc

**Dédem 13.12: Sa.Lizia, Sa.Ottilia, S.Jodok, S.Benno**

- 7.30: Rorate por i scolari (te dljia)
- 15.00: Rorate por i Senioreni (te salf dles uniuns)
- 19.30: Rorate por le Cor de Dljia (cor de dljia)  
Rorate por +nt Carlo Tamers de Burcia  
Rorate por +nta Agnes Oberbacher dal Lehrer

**Jöbia 14.12: Tomp d'Advënt: S.Giovanni dla Crusc**

- 19.30: Funziun Penitenziala

**Vèndr.15.12: Feria dla 2. de Advënt: Sa.Christiane, Sa.Nina**

- 15.00: Ora de oraziun
- 19.30: Rorate por +nta Marianna Pedevilla de Terza  
Rorate por +nta Paula Rindler de Costata (Markus Erlacher)

**Sab.16.12: Sa.Maria dal tomp d'adv: Sa. Adelheid, S.David**

- 17.00: Poscibilitè da se pissié
- 18.00: Rorate por le Consorzio dal Ega (Renzo)  
Rorate de renger. por dotes les scincundes y grazies
- 20.00: Concert d'Advënt te dljia: Coro Cantus Juvenis

**Dom.17.12: Gaudete: Investiziun dai Ministronc'**

- 8.30: Adventsopfer: oferta por la Diozeja  
S.M. a La Pli

**9.30: Oraziun dla domègna: tomp d'Advënt**

- 10.00: Rorate por i Ministronc' (Eduard Huber)  
Rorate por i Colaoradusc dla Ploania

**Al vègn tut sö y i Minis impormet en Sorvisc de ligrèza y diligent**

Le Prèsidet con colauradusc y Luca Comploi  
**arjigna cá na tombola y na bona pasta. Iolan, Iolan!!**

- 18.00: S.M. 1. aniv. por +nt Kurt Huber  
S.M. por Fam. Franz Call, Hotel Almhof  
S.M. por +nt Albert Mutschlechner dal Pech



**Advënt**

Advënt é tomp scinché. Tomp por perié, por ascuté la Parora de Dio, por jí a Rorate.

**Momonc d'Advënt**

Ch'i ne aldii naota nia ater - co Te.  
Ch'i ne vèighii nia ater - co le proscim.  
Ch'i ne mo sciürri naota nia tla fola,  
mo ch'i t'arjignii le tru.  
Ch'i ne mo lascii naota nia engiané  
da döt ci co mo vèn pité,  
mo che mio dejier vègnes vi.

(image)

**Arjigné le tru al Signur**

La speranza por le Signur co á da gní nes encorajèia a fá aziuns nees, orunse pö belo encö ti arjigné en tru.

I ponsun do:

Le messaje de S. Jan é cört y tler. Èl ne ó nia fá tēma, mo nes endespré y nes scassé sö da nösc vic da vignedé. Söa noela dij: Os duc messèise ciamó encö ves convertí. Ciamó encö messèise mèter man da jí trus nös - che le Signur ó gní da os y ves lascé tó pert a en monn nö. Le Signur nes píta ince so aiüt. Al vèn le plö sterch, chël co - con so Spirit Sant - devènj le mal.

**I periun:**

Dio onipotènt, Jan Batista nes cherda da ti arjigné le tru a To Fi. Scínchesse le Spirit Sant, ch'i sunse bognd da superé le mal te nos y tal monn. Por Crist, nosc Signur.

(Sonntags-Bibel dal Vësc W. Egger)

**Te vigne desert édl na fontana**

I esperimentun le desert te nos enstèsc, canche i i se sontiun susc y tralascés; sce i án problems, ch'i ne sun nia bognd da eliminé. Al é gonot rio da tegnì fora y da soporté cösta sort de deserc.

Olá ciafunse pa la forza nezesciara? Te vigne desert édl en fistí, na fontana, co dá forza.

Gejú ó ester nosc fre, che ne se tralascia nia tles dificoltés. Ensciö pó Èl ester por nos na fontana, da chëra ch'i podun vire. Tal medemo momont podunse ince nos ester fontana por porsones co adora nosta vijinanza.

Sa. Teresa de Calcuta dijea:

**"Empèia te töa anima na löm, che töa so, to fre ciáfii le tru tla scürité!"(pr)**

**Sorvisc dai Ministronc**

Lönesc 11/12 (19:30h), Dédemesaledema 13/12 (19:30h), Vèndres 15/12 (19:30h): Sofia Castlunger, Emma Daverda;

Sabeda 16/12 (18:00h): Isabel y Sandra Ties, Roman y Tomas Oberlechner, Nathan Migliorati, Jan Ties;

Domègna 17/12 (10:00h) Rorate dai ministronc: Sofia Alberti, Linda y Max Clara, Elisa Frenademetz, Caspar y Moriz Videsott;

Domègna 17/12 (18:00h): Mattia Leggio, Jan Paul Promberger, Anna y Matteo Sottrovich, Jasmin y Martina Ties

**N. B.: Prenotaziuns por la marèna, en domègna, ai 17/12 do mësä pa Luca (3899567351), anter en vèndres**

